

MESS

J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

-UPRAVNI ODBOR-

Na osnovu člana 70. stav (1) i (3) Zakona o javnim nabavkama („Službeni glasnik BiH“ br. 39/14), člana 15. Pravila JU MES-Međunarodni teatarski festival-Scena MESS broj: 257/16, od 10 maja 2016. godine, Rješenja Ureda za razmatranje žalbi broj: JN2-03-07-1-921-8/19 od 09.05.2019. godine, Odluke o poništenju odluke o izboru najpovoljnijeg ponuđača broj: 01-V-284/19 od 23.05.2019. godine, a na Preporuku Komisije za javne nabavke broj: 01-V-299-2/19 od 28.05.2019., imenovane Odlukom Upravnog odbora broj: 02-II-54-1/19. od 25.02.2019. godine, Upravni odbor, na svojoj 28.elektonskoj sjednici, održanoj dana 06.06.2019. donosi:

Odluku o izboru najpovoljnijeg pouđača u postupku postupku javne nabavke usluga štampanja kompletnog materijala za JU „ MESS-Međunarodni tetarski festival-Scena MESS“

Član 1.

Najpovoljniji ponuđač u konkurentskom postupku javne nabavke usluga štampanja kompletnog materijala za JU „ MESS-Međunarodni tetarski festival-Scena MESS“, za kalendarsku 2019. godinu, putem konkurentskog zahtjeva za dostavljanje ponude, evidencioni broj javne nabavke: 1014-7-2-5/19, broj Obavještenja o nabavci sa Portala javnih nabavki: 014-7-2-5-3-4/19, od 04.03.2019., po Odluci o pokretanju postupka javne nabavke usluga putem konkurentskog zahtjeva za dostavljanje ponuda broj: 02-II-57/19, od 25.02.2019. godine je **GRAFIKA ŠARAN D.O.O**, sa registrovanim sjedištem u Sarajevu, ulica Srđana Aleksića 28., ID broj: 4200400760008, s ponuđenom cijenom u iznosu od 18.229,50 KM bez PDV-a, kao najbolje ocjenjena i prihvatljiva ponuda.

Član 2.

Ponuđač iz člana 1. ove Odluke ocjenjen je kao najpovoljniji jer ispunjava sve uslove iz Tenderske dokumentacije, a u skladu s kriterijem za dodjelu ugovora (najniža cijena tehnički zadovoljavajuće ponude) ponudio je najnižu cijenu.

Član 3.

Ovlašćuje se Direktor ustanove da po konačnosti i izvršnosti odluke izvrši potpisivanje Okvirnog sporazuma sa izabranim ponuđačem, u skladu s zahtjevima iz Tenderske dokumentacije i Obrascem za cijenu ponude ponuđača.

Prijedlog okvirnog sporazuma dostavit će se izabranom ponuđaču po proteku roka od 10 (deset) dana, računajući od dana kada su svi ponuđači koji su učestvovali u predmetnom postupku nabavke, obavješteni o izboru najpovoljnijeg ponuđača.

MESS

J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

Član 4.

Izabrani ponuđač dužan je dostaviti dokaze o kvalificiranosti u roku od 5 (pet) dana od dana prijema obavijesti o izboru.

Član 5.

Izveštaj o provedenom postupku javne nabavke od strane ugovornog organa dostaviti nadležnom organu upravljanja u MES-u- Upravnom odboru i Agenciji za javne nabavke.

Član 6.

Ova odluka stupa na snagu danom objavljivanja, a ista će biti objavljena na web stranici <http://www.mess.ba/2016/javne-nabavke> u skladu sa članom 70. stav (6) Zakona o javnim nabavkama („Službeni glasnik BiH“ br. 39/14), istovremeno sa upućivanjem iste svim ponuđačima koji su učestvovali u predmetnom postupku javne nabavke.

Obrazloženje:

Postupak javne nabavke usluga štampanja kompletnog materijala za JU „ MESS- Međunarodni tetarski festival-Scena MESS“, za kalendarsku 2019. godinu, putem konkurentskog zahtjeva za dostavljanje ponuda, pokrenut je Odlukom o pokretanju postupka javne nabavke usluga putem konkurentskog zahtjeva za dostavljanje ponuda broj: 02-II-57/19, od 25.02.2019. godine, evidencioni broj: 1014-7-2-5/19, sa objavom obavještenja na Portalu JN broj: 014-7-2-5-3-4/19, od 04.03.2019.

Tenderska dokumentacija objavljena je na portalu javnih nabavki. Tendersku dokumentaciju je preuzelo ukupno 18 (osamnaest) ponuđača, a ponudu dostavilo 5 (pet) i to:

- INELEX D.O.O
- COLOR MEDIA D.O.O
- OXYGEN DOO SARAJEVO
- DEFTER D.O.O
- GRAFIKA ŠARAN

Komisija za javne nabavke je u skladu sa članom 5. stav (2) alineja f) Pravilnika o uspostavljanju i radu komisije za nabavke (Službeni glasnik BiH broj: 103/14), jednoglasno putem javnog glasanja donijela preporuku Ugovornom organu o dodjeli ugovora za usluge štampanja kompletnog materijala za JU „MES- Međunarodni teatarski festival- Scena MESS“ za kalendarsku 2019. godinu: „OXYGEN“ D.O.O. a u skladu sa kriterijem za izbor najniža cijena tehnički zadovoljavajuće ponude.

Ugovorni organ je bio saglasan sa datom preporukom Komisije te donio Odluku o izboru najpovoljnijeg ponuđača za nabavku usluga štampanja materijala za MESS tokom 2019. godine. Odluka o izboru dostavljena je svim ponuđačima koji su učestvovali u predmetnom postupku te objavljena na web stranici Ugovornog organa. Nakon zaprimanja predmetne Odluke ponuđač Defter d.o.o izvršio je uvid u ponudu izabranog ponuđača, a zatim izjavio žalbu na Odluku o izboru. Nakon zaprimanja ove žalbe Ugovorni organ je obustavio postupak imajući u vidu suspenzivno djelovanje žalbe. Odluka o obustavljanju postupka broj: 01-IV-234/19 od 15.04.2019. godine dostavljena je ponuđačima koji su sudjelovali u postupku javne nabavke i objavljena na web stranici Ugovornog organa.

Ugovorni organ dana 20.05.2019. godine zaprimio je Rješenja Ureda za razmatranje žalbi broj: JN2-03-07-1-930-8/19 od 16.05.2019. godine.

Tačkom 1. gore navedenog Rješenja usvaja se žalba žaljitelja izjavljena na Odluku o izboru najpovoljnijeg ponuđača broj: 02-IV-207/19 od 03.04.2019. godine kao djelimično osnovana.

MESS

J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

Tačkom 2. gore navedenog Rješenja poništava se Odluka o izboru najpovoljnijeg ponuđača broj 02-IV-207/19 od 03.04.2019. godine te se predmet vraća Ugovornom organu na ponovno odlučivanje.

Postupajući po navedenom rješenju Ugovorni organ je donio Odluku o poništenju Odluke o izboru najpovoljnijeg ponuđača broj 01-V-284/19 od 23.05.2019. godine, čime je postupak izbora najpovoljnijeg ponuđača vraćen u fazu ponovne evaluacije svih ponuda koje su pristigle u roku, uvažavajući navod i zaključke iz Rješenja Ureda za razmatranje žalbi Komisija za javne nabavke dostavila je Ugovornom organu Zapisnik o ponovljenom pregledu i ocjeni ponuda broj: 01-V-299-1/19 od 28.05.2019. godine u postupku javne nabavke usluga štampanja kompletnog materijala za MESS tokom 2019. godine.

Nakon analize ponuda i provjere sadržaja i validnosti priložene dokumentacije, a cijeneći statvove koj je Ured za razmatranje žalbi iznio u svom Rješenju broj: JN2-03-07-1-921-8/19 od 09.05.2019. godine Komisija je konstatovala da tehničke uslove propisane tenderskom dokumentacijom ne ispunjavaju sljedeći ponuđači:

1. Inelex d.o.o

Razlog: U tački 2. tenderske dokumentacije Ugovorni organ je zahtjevao od ponuđača da trebaju zadovoljiti uslov sposobnosti obavljanja profesionalne djelatnosti tj. da je registrovan za obavljanje djelatnosti koja je predmet nabavke.

Kao dokaz se tražio:

Aktuelni izvod iz sudskog registra ili izjava/potvrda nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke.

Komisija za javne nabavke prilikom ocjene ponuda izvršila je uvid u aktualni izvod iz sudskog registra broj: 065-0-Regz-19-001217 od 12.02.2019. i konstatovala da ponuđač „INELEX“ d.o.o nije registrovan za obavljanje usluga koje su predmet nabavke- usluge štampanja. Shodno navedenom Komisija je jednoglasno konstatovala da ponuda ponuđača „INELEX“ d.o.o ne ispunjava uslov za obavljanje profesionalne djelatnosti te da se ista **odbija**.

2. Oxygen d.o.o

Razlog: Ponuda ne ispunjava uslove iz tenderske dokumentacije jer je ponuđač radio ispravke u obrascu za cijenu ponude suprotno ZJN.

Ponuđač je prekršio odredbu člana 57. stav (1) Zakona o javnim nabavkamaa kojim je propisano da se u pripremi ponude ponuđač pridržava zahtjeva i uvjeta iz tenderske dokumentacije. Uvidom u obrazac za cijenu ponude, a postupajući po Rješenju Ureda za razmatranje žalbi broj: JN2-03-07-1-921-8/19 od 09.05.2019. godine, Komisija je konstatovala da je ponuđač uradio izmjenu obrasca za cijenu ponude i to na sljedeći način:

– Za stavku broj 8. je smanjio broj komada za 100 tj. umjesto 800 ponudio je cijenu za 700 komada i prema ponuđenoj jediničnoj cijeni od 3,31 KM za istu stavku ponudio nižu cijenu za 313,00 KM;

– Za stavku broj 29. povećao je broj komada za 200 tj. umjesto 300 komada ponudio je 500 komada uz jediničnu cijenu od 0,20 KM za istu stavku ponudio višu cijenu za 40,00 KM;

– Za stavku 30. povećao broj komada za 30 tj. umjesto 20 komada ponudio je 50 komada uz jediničnu cijenu od 0,75 KM za istu stavku ponudio višu cijenu za 22,50 KM.

Popunjavanje obrasca za cijenu ponude na način da se mjenja broj komada predstavlja izmjenu tenderske dokumentacije, a posebno imajući u vidu to da je ponuđač nudenjem

MESS

J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

cijene za manji broj komada za stavku 8. većeg broja za 29. i 30. ostvario nižu cijenu od 250,50 KM.

Uvažavajući preporuke i navode iz Rješenja Ureda za razmatranje žalbi broj: JN2-03-07-1-921-8/19 od 09.05.2019. godine Komisija je konstatovala da se ponuda ponuđača Oxygen odbacuje na osnovu člana 68. stav (4) tačka i. Zakona o javnim nabavkama („Službeni glasnik BiH“ br. 39/14) iz razloga jer dostavljena ponuda ne ispunjava uslove iz tenderske dokumentacije, jer je ponuđač radio ispravke u obrascu za cijenu ponude suprotno ZJN.

Nakon izvršenog ponovnog pregleda i ocjene ponuda, Komisija za javne nabavke je u skladu sa članom 5. stav (2) alineja f) Pravilnika o uspostavljanju i radu komisije za nabavke (Službeni glasnik BiH 103/14), jednoglasno putem javnog glasanja donijela preporuku Ugovornom organu o dodjeli ugovora za usluge štampanja kompletnog materijala za JU „MES- Međunarodni teatarski festival- Scena MESS“ za kalendarsku 2019. godinu kvalificiranom ponuđaču koji je ponudio najnižu cijenu: **GRAFIKA ŠARAN D.O.O.**, sa registrovanim sjedištem u Sarajevu, ulica Srđana Aleksića 28., ID broj: 4200400760008

Upravni odbor je saglasan sa datom preporukom Komisije, te je shodno navedenom donesena Odluka kao u dispozitivu.

Uzimajući u obzir naprijed navedeno, primjenom člana 64. stav (1) tačka b) Zakona o javnim nabavkama odlučeno je kao u članu 1. ove Odluke.

PRAVNA POUKA: Na odluku o izboru može se izjaviti prigovor u roku od pet (5) dana od dana prijema iste. Prigovor u pisanom obliku upućuje se ugovornom organu u skladu Zakonom o javnim nabavkama BiH.

Broj: 02-VI-331/19
Sarajevo, 13.06.2019. godine

Predsjednik Upravnog odbora:


Emir Kapetanović

Dostaviti:

- 5x Ponuđačima
- Računovodstvo
- Prilog dokumentaciji za JANAB-a
- Direktor ustanove
- Predsjednik Komisije za JN
- a/a